



Fréttabréf Naustaskóla

2. tölublað, 5. árgangur, 2. febrúar 2012

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Ávextir og mjólk

Mánaðarlegir greiðsluseðlar frá skólanum eru nokkuð hærri um þessi mánaðamót en í meðalmánuði. Skýringin er sú að við erum nú að innheimta gjald fyrir ávaxta- og mjólkuráskriftina, þetta er hins vegar bara gert einu sinni á önn..

Upplstrarkeppni

Nemendur 7. bekkjar eru þessar vikurnar að æfa sig í upplestri og föstudaginn 17. febrúar verður svo keppni hjá okkur þar sem valdir verða þrjú fulltrúar skólans til að keppa á Stóru upplestrarkeppni grunnskólanna á Akureyri sem haldin verður í MA þann 7. mars.

Átt þú ónotuð spil?

Krakkarnir okkar eru afskaplega dugleg við að nota lausar stundir til að spila hin ýmsustu spil. Nú langar þau mjög mikið að bæta við fleiri spilum t.d. Risk og Monopoly.. Getur verið að þessi spil eða önnur liggi kannski ónotuð á einhverju heimilinu???

Kæra skólasamfélag

Það er sannarlega gaman að vinna í skóla og eitt af því sem gerir það svo skemmtilegt er að "efniviðurinn" er lifandi og stundum óútreiknanlegur, engir tveir dagar eru eins og það gerist margt á stórum vinnustað, oftast skemmtilegir hlutir en líka stundum erfiðir eins og gengur. Það er nefnilega þannig að börnin okkar gera stundum mistök, eins og reyndar við sjálf - þó það nú væri - þau eru nefnilega börn! Við fullorðna fólkið gleymum stundum hversu eðlilegt þetta er og verðum pirruð á þessu, ætlumst til þess að krakkarnir kunni alla hluti, fæðist snillingar í samskiptum og lendi aldrei í neinum árekstrum, það er dálítið galið ekki satt! Við verðum jafnvel upptekin af því að finna sökudólga þegar í raun er bara um ósköp eðlilega hluti að ræða. Það er einfaldlega okkar hlutverk að leiðbeina börnunum og það er ekkert eðlilegra en að börn lendi í margvíslegum árekstrum og uppákomum sem við þurfum að ræða við þau, finna út orsakir og vinna í sameiningu að bættri líðan og hegðun. Þetta er væntanlega veruleikinn í öllum skólum, öllum fjölskyldum og alls staðar þar sem fengist er við uppeldi. Ef við náum að sættast við þetta hlutverk okkar getum við jafnframt farið að hafa svolítið gaman af því, þegar upp er staðið er þetta allt saman nefnilega eitt af því sem gerir lífið svolítið dásamlegt, ekki satt?

Ágúst Jakobsson, skólastjóri

Nýir kennarar í hópinn

Nú hafa verið ráðnir tveir nýir kennarar að skólanum. Það eru Andri Snær Stefánsson og Sigríður Jóna Ingólfssdóttir. Andri Snær hefur störf hjá okkur nú í byrjun febrúar og kemur í stað Gunnþórs sem umsjónarkennari í 6.-7. bekk, en Gunnþór hefur verið ráðinn skólastjóri við Árskógsskóla. Sigríður Jóna mætir svo til starfa í byrjun mars og leysir Brynju af sem umsjónarkennari í 4.-5. bekk þegar Brynja fer í fæðingarorlof. Við bjóðum nýja kennara hjartanlega velkomna í hópinn en þökkum um leið Gunnþóri fyrir samfylgdina og vel unnin störf og óskum honum velfarnaðar á nýjum vettvangi. Brynju þurfum við ekkert að kveðja...

Stórgóður árangur í spurningakeppni grunnskólanna

Fulltrúar Naustaskóla í spurningakeppni grunnskólanna á Norðurlandi, þau Kristófer, Odda og Pétur, stóðu sig frábærlega, komust alla leið í úrslit í keppninni og urðu í öðru sæti! Í riðlakeppninni unnu þau lið bæði Brekkuskóla og Hrafnagilsskóla, í undanúrslitum lögðu þau lið Síðuskóla en í sjálfri úrslitaviðureigninni töpuðu þau fyrir Dalvíkingum. Sannarlega glæsilegur árangur hjá krökkunum sem eru náttúrulega öll bara í 9. bekk.

Námskeið - jákvæður agi

Ákveðið hefur verið að bjóða upp á foreldranámskeið um "Jákvæðan aga". Námskeiðið verður opið foreldrum barna í Naustaskóla, Naustatjörn, Glerárskóla og Hrafnagilsskóla og mun kosta 1.500 kr. pr. þátttakanda. Námskeiðið verður haldið í Naustaskóla og inniheldur þrjú síðdegi kl. 17-19, þ.e. miðvikudaginn 29. febrúar, þriðjudaginn 6. mars og þriðjudaginn 13. mars. (Þetta er að hluta til upprifjun og endurtekning á námskeiði sem haldið var síðastliðinn vetur, kynning á stefnunni, ýmis gagnleg ráð fyrir uppalendur og tækifæri til að skiptast á ráðum varðandi uppeldi barnanna okkar. Síðan er ætlunin að bjóða upp á ítarlegra 7 vikna námskeið næsta haust.) Áhugasamir um þriggja kvölda námskeið framangreinda daga eru beðnir um að skrá sig á vefslóðinni hér fyrir neðan. Haft verður samband við þátttakendur með tölvupósti þegar nær dregur, áhugasamir vinsamlegast skrá sig fyrir 10. febrúar. <http://www.surveymonkey.com/s/LLPQMWN>

Hæfileikakeppnin "Naustaskólí's got talent"

Hin árlega hæfileikakeppni nemendaráðs skólans var haldin 2. febrúar og bar hún ofangreint nafn að þessu sinni en í fyrra skartaði hún heitinu "N-faktor". Í ár voru 11 atíði í keppninni og voru þau af ýmsu tagi en hlutskarpast varð myndband sem þær Hildur, Æsa og Vény í 8. bekk höfðu búið til. Í öðru sæti varð Crispin í 6. bekk með töfrafbrögð en í þriðja sæti urðu Ásta og Sara í 4. bekk með söngatriði. Allt löðrandi í hæfileikum í skólanum okkar!



Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Febrúar 2012

Sun	Mán	Þri	Mið	Fim	Fös	Lau
	30. janúar Fiskbúðingur, hrísgrjón, karrysósá, gulrætur	31. janúar Kjötsúpa og rósmarínbrauð	1. febrúar Grænmetisgratín, hrísgrjón og salat	2. Gufusoðin ýsa, kartöflur, gulrætur og sósá Hæfileikakeppni hjá 4.-9. bekk Spurningakeppni grunnskólanna	3. Pottréttur, kartöflur, rauðkál og salat Dagur stærðfræðinnar Hundrað daga hátíð hjá 1. bekk	4.
5.	6. Plokkfiskur, kartöflur og rúgbrauð <u>OPIN VÍKA</u>	7. Lasagna, kartöflumauk og salat Opnið hús 6-7b 16:30-18:30 Opnið hús 8-10b 19:30-21:30	8. Fiskur í raspi, hrísgrjón, salat og sólskinssósá Opnið hús 4-5 b 16:30-18:30 Kynningarfundur v/ skólavals 2012	9. Hrísgrjónagrautur og slátur	10. Pizza og salat	11.
12.	13. Hakk, spaghetti og salat	14. Gufusoðinn fiskur, kartöflur, salat og tómatsósá Opnið hús 8-10b 19:30-21:30	15. Grisasnitsel, steiktur kartöflur, grænir baunir, salat og sósá Opnið hús v/ skólavals 2012 kl. 9-11	16. Snakk-ýsa, hrísgrjón og salat	17. Grænmetisúpa, brauð og álegg Upplstrarkeppni 7. bekkjar	18.
19.	20. Fiskibollur í tómatsósú, kartöflur og salat	21. Saltkjöt og baunir Opnið hús 8-10b 19:30-21:30	22. Óskudagur - vetrarfrí Frístund opin (Ófnbakaður fiskur í blaðlaukssósú, kryddgrjón og salat)	23. Vetrarfrí - Frístund opin (Steiktur kjúklungur, kartöflubátar, salat og sveppasósá)	24. Vetrarfrí - Frístund opin (Skyr, brauð og álegg)	25.
26.	27. Steiktur fiskur, kartöflur, salat og vorlauksdressing	28. Kjötbollur í brúnni sósú, kartöflur, salat og rauðkál Opnið hús 8-10b 19:30-21:30	29. Gratineraður fiskur, hrísgrjón og soðið grænmeti	1. mars Ítalskur lambkjötsréttur, kartöflustappa og salat	2. Kjúklungapasta, heima-bakað brauð og salat Dótadagur	3.

Munið opnu vikuna 6.-10. febrúar - foreldrar og forráðamenn sérstaklega hvattir til að kíkja við í skólanum og fylgjast með starfinu á venjulegum skóladögum.

Vetrarfrí verður dagana 22.-24. febrúar, nemendur eiga frí þá daga en Frístund verður opin fyrir þá sem þar eru skráðir, skráning verður auglýst í tölvupósti snemma í febrúar.